

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036 B.2025 Nd.2 Ng.26 Liggaueq ietceih nienz ndwencieng ngeihgouj Geizsoq: Gungh daih 3658 geiz

Gvangjsih Song Aen Hanghmoeg Senjhaeuj Aen Anqlaeh Denjhingz Daengx Guek Vaiqsoengq Haeuj Mbanj

Mboengqneix, Guekgya Youz-cwnngiz fatbough gij senjbien anqlaeh denjhingz hong vaiqsoengq haeuj mbanj(buek daih'it), Gveilinz Si Lingzconh Yen vaiqsoengq haeuj mbanj hanghmoeg caeuq Laizbinh Si Yinhcwnz Yen "vaiqsoengq + densangh" doxgap haeuj mbanj hanghmoeg ndaej senjhaeuj.

Gveilinz Si Lingzconh Yen vaiqsoengq haeuj mbanj hanghmoeg yungh "aen vunqsik hwnghat yungzhab hek huq youz", couhduw vaiqsoengq giyez caeuq goenggyau gunghsw, youzcwnz giyez doxgap doinyoengx

vaiqsoengq haeuj mbanj. Vaiqgienh youq yienh faenleh cungsim comzsanq, hawj cigoenggyau rox vaiqsoengq giyez gag baij ci cigsoh soengq daengz camhyinhhek yanghcin, rox soengq daengz vangjdenj yanghcin, ginggvaq song baez faenleh le yinh daengz camhyinhhek yanghcin, caiq hawj cigoenggyau rox youzcwnz gunghsw soengq daengz camhdiemj ndaw mbanj, saedyienh vaiqsoengq haeuj mbanj. Daengz seizneix, daengx yienh hwnqguh gaijguh yienh gaep aen cang boiqsoengq aen ndeu, camh fugsah

cunghab yungzhab hek huq youz yanghcin 5 aen, diemj fugsah yungzhab hek huq youz cunh gaep 102 aen, hingzcwnz youzcwnz vaiqsoengq 100% daengz caez.

Laizbinh Si Yinhcwnz Yen "vaiqsoengq + densangh" doxgap haeuj mbanj hanghmoeg doenggyau cinghab gij swhyenz boiqsoengq mbiengj guenjguh vaiqsoengq giyez caeuq diegsuen densangh canjnieb, ciuq dieg bae hwnghat gij vunqsik boiqsoengq "yienh-cunh caez soengq soh douz", vaiqsoengq giyez baengh mbiengj guenjguh

diegsuen densangh canjnieb hwnq aen muengx boiqsoengq, hawj gaiq vaiqsoengq mbouj yungh ginggvaq vangjdenj yanghcin, cix caeuq huq densangh caez cigsoh douzsoengq daengz diemj fugsah densangh vuzliuz ndaw mbanj bae, saedyienh vaiqsoengq haeuj mbanj. Daengz seizneix, daengx yienh 12 aen yanghcin gungh hai 16 diuz sienq daehyinh, vaiqgienh lawhdouz gaenq cwgoemq daengz 85 aen hingzcwnz, gij beijlwd cwgoemq daengz 70.20%.

(Goz Yagingz)

Denzlinz: Bouxcuengh "Caeq Mehyauez" Coengh Minzcuz Huzndei

2 nyied 22 hauh, Denzlinz Yen Lucwnz Yauzcuz Yangh Lunggvangh Cunh nauhyied raix-caix, aen mbanj neix guh gij yienghsaeh Bouxcuengh "caeq Mehyauez" bi guh baez haenx. Gyoengq vunzmbanj daenj buhvaq moqsag, roq gyong roq laz, angqcoux gyoengq bouxhek daeuj daengz.

Faengx, ceiz, haexnaengj, nohlab daengj gak cungj gak yiengh gijgwn ndei hawj vunz myaiz rih, daengx aen cunh nauhyied raixcaix.

Youq aen Diengzmehyauez gyoengq vunz caez gouzmuengh, caeqbaiq Mehyauez, muengh fwn yinz rumz swnh, haexliengz baenz lai.

Ciuq cam rox, "caeq Mehyauez" dwg aen cienznaeuz Bouxcuengh Yauzcuz doxaeu hawj vunz gamj-doengh ndeu, doxcienz gaxgonq, dahsau singq Banh Lanzdenyauz

cungbyoengq gij gimqgeih "Bouxcuengh Yauzcuz mbouj doxaeu", caeuq daegmbauq Bouxcuengh Lunggvangh Cunh doiq fwen dinghcingz, guh baenz gvanbaz. De mboujdan aeu dinfwnz yw Yauzcuz yw gyoengq beixnuengx henzgyawj, lij comz vunzmbanj guh'angq, hawj mbanjmbanj hoenghvuengh. Vunz daihlaeng geiqniemh gij goenglauz de, heuh de guh "Mehyauez", caemhcai guh diengz caeqbaiq, cugciemh baenz gij yienghsaeh ndawbiengz coengh minzcuz doxgiat ndeu.

Geij bi neix daeuj, Denzlinz Yen aeu gij yienghsaeh minzsuz caeuq vwnzlij yungzhab doxgiethab, doenggyau "feihyiz+lijyouz" "minzsuz + yenzgiu hagsib" daengj vunqsik, cauq gij binjbaiz vwnzva minzcuz miz daegsaek, caemh raiz diuz go minzcuz doxgiat.

(Vangz Sucingz Vangz Yozmingz)



▲Caeqbaiq yienhcieingz.

Fungsanh Ndaem Gosangh Ciengx Nonsei Cingzcik Yienhda

Mboengqneix, Fungsanh Yen Nungzyez Nungzcunh Giz lwnh vunzlai rox, daengz 2024 nienzdaej, Fungsanh Yen ndaem gosangh ciengx nonsei cingzcik yienhda. Daengx yienh ndaem gosangh najdieg miz 4.3 fanh moux, ciengx nonsei 11.31 fanh mbaw, baenz reh 4750.18 dun, demlai 10.62%, baenz cienz 2.66 ik maenz, 2.1 fanh boux vunz lajmbanj ndaej leih, ranz ciengx nonsei bingzyaenz moix ranz ndaej 2.8 fanh maenz ngaenz roengzdaeh, baenz gaiq rengz youqgaenj doidoengh lajmbanj saenqhwnz.

2024 nienz, Fungsanh Yen haenqrengz hwnqguh giekdaej sezsih canjnieb ndaem gosangh ciengx nonsei. Bued gij ngaenzcienz doxriengz cunghyangh caizcwnz 1534 fanh maenz, coenghrenez nungzhu hwnqguh ranz hung ciengx nonsei 11 fanh bingzfanghmij, daengx yienh ranz hung ciengx nonsei najdieg daengz 25 fanh bingzfanghmij. Doengzseiz, guhsat gaijguh 1 fanh moux suen gosangh maj mbaw noix, suen gosangh ndaem moq 283.4 moux.

Vunzcaiz gunghanq fuengmienh,

Fungsanh Yen roengzrengz cujcz guekgya gohgi dwzbaidonz cwnzyenz bae daengz dieg ndaem gosangh ciengx nonsei, son'gyauq dinfwnz dajndaem dajciengx, guhsat 22 geiz son'gyauq dinfwnz, son'gyauq boux ciengx nonsei 1588 vunzbaez, yienh yangh gisuz guzgan caeuq bouxak ciengx nonsei 75 boux, doigvangq dinfwnz semzndaem "gosangh + gomiuz" 80 moux.

Linghvaih, Fungsanh Yen mboujduenh doinyoengx cauqmoq dinfwnz ndaem gosangh ciengx nonsei. Yinxhaeuj doigvangq 410

dauq gveijdaug gueng nonsei mbaet rengz caeuq gyaqhwnjcz swdung, 10 fanh lai benq cuzbaenzgek yienghmoq, 5 aen fagcab gosangh yienghmoq caeuq 2000 aen gyaqyinhreh yienghmoq; doigvangq 5 hangh dinfwnz, baugvat dinfwnz gaijguh suen gosangh maj mbaw noix, dinfwnz vunz nonsei doxliz daengj; yinxhaeuj 5 aen binjcungj ndei, hwnqbaenz 610 moux suen gosangh binjcungj moq guhyiengh, ciengx nonsei Gveicanz 8 hauh 2500 mbaw daengj.

(Veiz Yigyangh)